



REPUBLIKA SRPSKA
GRAD DOBOJ
GRADONAČELNIK

Hilandarska br.1, 74000 Doboj, [tel/fax:053/242-002](tel:053/242-002), e-mail: gradonačelnik@doboj.gov.ba

Broj: 02-404-1- 371 /20.

Datum: 02.4.2020.

Na osnovu člana 64. stav 1. tačka b), člana 70. stav (1) (3) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javne nabavke broj: 48/20 od 31.03.2020. u postupku javne nabavke, „Izvođenje radova na sanaciji dijelova lokalnog puta u MZ Osječani , – put za Dugu Njivu“, gradonačelnik je donio odluku

ODLUKU
o izboru najpovoljnijeg ponuđača

Član 1.

Prihvata se preporuka Komisije za javne nabavke, broj: 48/20 od 31.03.2020. i ugovor za javnu nabavku – „Izvođenje radova na sanaciji dijelova lokalnog puta u MZ Osječani , – put za Dugu Njivu“, dodjeljuje se ponuđaču „Plosko“ d.o.o. Osječani - Doboj , ponuda broj: 92/20. od 25.03.2020. za ponuđenu cijenu u iznosu od 119.000,00 KM bez PDV-a, nakon provedene „E aukcije“.

Član 2.

Prijedlog ugovora o nabavci dostaviće se na potpis izabranom ponuđaču po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokumentaciju traženu tenderskom dokumentacijom u roku od 5 (pet) dana od dana prijema odluke o izboru najpovoljnijeg ponuđača.

Član 3.

Ova odluka objaviće se na web stranici grada Doboj - www.doboj.gov.ba istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02/404-1- 278/20. od 05.03.2020.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 123.080,00 KM.

Obavještenje o nabavci broj: 103-1-3-47-3- 70/20. objavljeno je na Portalu javnih nabavki BiH dana 09.03.2020. a sažetak Obavještenja o nabavci objavljen u „Službenom glasniku BiH“.

Komisija za javne nabavke imenovana je Rješenjem broj: 02-022-1609/17. od 27.7.2017. Tendersku dokumentaciju sa portala javnih nabavki preuzeli su sljedeći ponuđači: BBS Europe, „Ekapija“, „Plosko“ d.o.o, „Geokop“ d.o.o. Derventa, „Mg Mind“ d.o.o, „Mrkonjić putevi“ d.o.o. „Rialšped“ d.o.o. Doboj Istok, „Trgotrans“ d.o.o. Doboj, i Udruženje za borbu protiv korupcije „Transparency International“ u BiH, „Rial šped“ d.o.o. Doboj Istok, „Josipović“ d.o.o. „DB mreža“, „Autokomerc“ a.d. i „Planum“ d.o.o. Teslić.

Komisija za javne nabavke dostavila je Zapisnik o ocjeni ponuda i Preporuku o izboru najpovoljnijeg ponuđača.

U postupku po izvještaju o radu utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu o čemu je sačinila odgovarajuće zapisnike u kojima je utvrđeno da je zaprimljeno pet (5) ponuda ponuđača: „MG Mind“ d.o.o. Mrkonjić Grad, „Geokop“ d.o.o. Derventa, „Trgotrans“ d.o.o. Doboj, „Planum“ d.o.o. Teslić i „Plosko“ d.o.o. Osječani – Doboj. Nakon otvaranja ponuda i pregleda dokumentacije komisija je konstatovala da su sve ponude kvalifikovane osim ponude ponuđača „Trgotrans“ d.o.o. Doboj.

Prilikom analize i detaljnog pregleda svih ponuda utvrđeno je da ponuda ponuđača „Trgotrans“ d.o.o. Doboj ne ispunjava uslove tražene tenderskom dokumentacijom iz slijedećih razloga: Aneks 4 – strana 36 tenderske dokumentacije, Izjava o ispunjenosti uslova iz člana 45. stav 1, tačke od a) do d) i Aneks 7 – pismena izjava iz člana 52 ZJN – strana 41 tenderske dokumentacije nisu potpisane od strane davaoca izjave, a mjesto i datum davanja izjava nisu navedeni.

Iz navedenog razloga a u skladu sa članom 68. tačke i), j) Zakona o javnim nabavkama BiH ponuda ponuđača „Trgotrans“ d.o.o. Doboj je odbačena.

Za predmetnu nabavku tenderskom dokumentacijom je predviđena „E aukcija“ koja je održana 30.03.2020.

Prema Izvještaju o toku i završetku „E aukcije“ od 30.03. 2020. utvrđena je rang lista ponuđača koji su pozvani da učestvuju u „E aukciji“, kako slijedi:

1. „Planum“ d.o.o. Teslić	početna cijena	122.735,63 KM bez PDV-a,
2. „Plosko“ d.o.o. Osječani Doboj	početna cijena	122.866,25 KM bez PDV-a,
3. „Geokop“ d.o.o. Derventa	početna cijena	123.063,75 KM bez PDV-a,
4. „Mg Mind“ d.o.o. Doboj	početna cijena	123.072,83 KM bez PDV-a,

Konačna rang lista ponuđača koji su učestvovali u „E aukciji“

1. „Plosko“ d.o.o. Osječani Doboj	konačna cijena	119.000,00 KM bez PDV-a,
2. „Geokop“ d.o.o. Derventa	konačna cijena	119.500,00 KM bez PDV-a,
3. „Planum“ d.o.o. Teslić	konačna cijena	122.735,63 KM bez PDV-a,
4. „Mg Mind“ d.o.o. Mrkonjić Grad	konačna cijena	123.072,83 KM bez PDV-a,

U postupku ocjene provedenog postupka, gradonačelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene

Naziv / ime ponuđača		Ukupna cijena ponude (sa PDV-om)
1.	„Plosko“d.o.o. Osječani Doboj	139.230,00 KM
2.	„Geokop“d.o.o. Derventa	139.815,00 KM
3.	„Planum“d.o.o. Teslić	143.600,69 KM
4.	„MG Mind“d.o.o. Mrkonjić Grad	143.995,21 KM

Izabrani ponuđač izabran je primjenjujući kriterij najniže cijene, u iznosu od 139.230,00 KM sa uračunatim PDV.

Iz navedenih razloga, primjenom člana 64. stav (1) tačka b). Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu u roku od 10 (deset) dana od dana prijema ove odluke. Žalba se dostavlja u tri primjerka u pisanoj formi.

Dostaviti:

1. „Geokop“d.o.o. Derventa
2. „MG Mind“d.o.o. Mrkonjić Grad
3. „Planum“d.o.o. Teslić
4. „Trgotrans“d.o.o. Doboj
5. „Plosko“d.o.o. Osječani Doboj

Gradonačelnik
Boris Jerinić,s.r.